

15.04.2022թ.

ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 445779/09
ՎԱՐՉԱԿԱՆ ԻՐԱՎԱՆԱԽՏՄԱՆ ԳՈՐԾԻ ՎԵՐԱԲԵՐՅԱԼ**

Ես՝ ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով վարչական իրավախախտման վերաբերյալ թիվ 12310 գործը և ուսումնասիրելով վարչական իրավախախտման վերաբերյալ 15.04.2022թ. թիվ արձանագրությունը,

ՊԱՐԶԵՑԻ

«ՄԽԶՅԱՆ ՀԱՄԱՅՆՔՆԵՐԻ ՄԻՈՒԹՅՈՒՆ» ՀԿ-ի (ՀՎՀՀ՝ 04212372, հասցե՝ Արարատի մարզ, Մխչյան) նախագահ Աշոտ Իսաջանյանը համաձայն <<Հասարակական կազմակերպությունների մասին>> ՀՀ օրենքի 24-րդ հոդվածի չի հրապարակել հասարակական կազմակերպության 2020 թվականի գործունեության մասին հաշվետվությունը, ինչի համար ՀՀ ՊԵԿ Իրավաբանական վարչության պետի 26.07.2021թ-ի թիվ 025201/09 որոշմամբ «ՄԽԶՅԱՆ ՀԱՄԱՅՆՔՆԵՐԻ ՄԻՈՒԹՅՈՒՆ» ՀԿ-ի նախագահ Աշոտ Իսաջանյանի նկատմամբ կիրառվել է վարչական տույժ՝ նախազգուշացում: ՀՀ ՊԵԿ Իրավաբանական վարչության պետի 26.07.2021թ-ի թիվ 025201/09 նախազգուշացման որոշման մասին իրազեկվելու օրվանից հետո երեսուն օրվա ընթացքում Աշոտ Իսաջանյանի կողմից սույն հոդվածով նախատեսված խախտումը (խախտումները) չի վերացվել, այն է՝ չի հրապարակվել 2020 թվականի գործունեության մասին հաշվետվությունը, ինչի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169.26 հոդվածի 2-րդ մասով:

Կողմը պատշաճ ծանուցված լինելով չի ներկայացել: Գործում առկա է գրավոր առարկություն կամ բացատրություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին մասի 1-ին կետով

ՈՐՈՇԵՑԻ

Համաձայն «Վարչական իրավախախտումների վերաբերյալ» ՀՀ օրենսգրքի 169.26 հոդվածի 2-րդ մասի՝ Աշոտ Իսաջանյանի նկատմամբ կիրառել վարչական տույժ՝ նշանակել տուգանք 50.000 (հիսուն հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

Համաձայն Վարչական իրավախախտումների վերաբերյալ ՀՀ օրենսգրքի 169²⁶ հոդվածի
«Հասարակական կազմակերպությունների մասին» Հայաստանի Հանրապետության օրենքով նախատեսված պարտադիր հրապարակման ենթակա հաշվետվությունը թերի հրապարակելը, օրենքով սահմանված կարգով և ժամկետներում չհրապարակելը առաջացնում է նախազգուշացում հասարակական կազմակերպության իրավասու պաշտոնատար անձանց նկատմամբ: Օրենքով սահմանված կարգով նախազգուշացվելուց հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության կառավարությանն առընթեր պետական եկամուտների կոմիտեի պահանջը չկատարելը առաջացնում է տուգանքի նշանակում հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:
Տուգանքի նշանակման օրվանից հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության կառավարությանն առընթեր պետական եկամուտների կոմիտեի նախազգուշացման պահանջները չկատարելը կամ ոչ պատշաճ կատարելը՝ առաջացնում է տուգանքի նշանակում հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի երկուհարյուրապատիկի չափով:

Մասնակցեցի գործի քննությանը, որոշման վերաբերյալ առարկություններ չունեմ _____
Ստացա որոշման պատճենը _____